





第三二〇册

四庫全書

● 上海古籍出版社

本冊目次

續資治通鑑長編（七）

宋李 燾撰……………一

欽定四庫全書

史部
續資治通鑑長編卷三百五十一

詳校官檢討 劉錫五

刑部郎中 許兆椿覆勘

纂修官編修 閔思誠

勝錄監生 黃維

欽定四庫全書

續資治通鑑長編卷三百五十一

宋 李燾 撰

神宗

元豐六年春正月戊戌上寢疾日昃三省樞密院詣內東門請入問聖體遣勾當御藥院梁從政劉惟簡傅宣放宰臣王珪等再附從政奏乃令從政等引入見上於福寧殿東寢閣自是問聖體皆如之

兩紀並書
上有疾

欽定四庫全書

續資治通鑑長編
卷三百五十一

己亥詔不視事五日三省樞密院問候於福寧殿東寢閣宰臣言上未視事應合行事乞權作聖旨行出以聞事體稍重者進畫施行又言六日欲於大慶殿設消灾祈福道場七晝夜罷日設大醮啟罷日三省樞密院官並宿齋餘日耑宿在京宮觀寺院各道場七晝夜差官啟罷五嶽四瀆就遣所在長吏准此上不能言首肯之晚再詣福寧殿上書字諭王珪等自來日可只早入珪等進竹瀝三器詔賀正旦遣使令六日門辭授書賜例物

庚子執政官晚再詣內東門內侍傳宣放自此日惟一入

辛丑遼使辭於紫宸殿門外

壬寅執政官詣福寧殿東閣問候奏欲降赦天下以屢獲豐年中外嘉靖方春發生宜有惠澤為文意許之自此分宿本廳右丞李清臣寓門下省

甲辰大赦天下其赦法用第二等

兩紀並書
赦天下

命戶部

侍郎李定權知貢舉

欽定四庫全書

續資治通鑑長編
卷三百五十一

二

乙巳遣輔臣詣景靈宮行禮

舊紀書丙午罷朝獻景靈宮新紀書命輔臣代詣景

靈宮

丁未中書省言上元節欲景靈宮萬壽觀神御殿排設

張樂聞諸宮觀寺院門五日燃燈作樂及不禁夜不御

宣德門諸樂藝人賜物依舊給從之御輦院言禮院

定皇太后儀衛御龍骨燥子直都虞候都頭各一人十

將長行各三十人弓箭弩直指揮使都副頭各一人十

將長行各二十人內外諸司局務監官每遇皇太后出

差官管押乞自今輪本院監官隨行從之

壬子皇城使郭忠紹言神臂弓未有教習指揮詔步人哲手及第一等者並令兼習

癸丑廊延路經畧司言第二第四第五將出塞討賊獲八十八級詔禁軍民兵蕃兵並與特支錢第六將解元忠獲五百五十四級牛羊駝馬萬計詔賜將官使臣等茶藥銀各有差

乙卯上手書字諭王珪等自今可間日入問自戊戌上

欽定四庫全書

續資治通鑑長編
卷三百五十一

三

不豫三省樞密院日至寢閣至是上小瘳故有是旨

勅宰臣樞密親王齋禱天地宗廟三省官寺監長貳分

禱社稷及都內諸神祠

舊紀書羣臣禱於天地宗廟社稷神祠新紀書分遣羣臣禱於

天地宗廟社稷

丁巳王珪等言聖體向安御殿有期臣等不勝欣喜上

欣然首肯之

已未上移寢閣之東榻勾當御藥梁從政及醫官陳易簡言於珪等上昨日行步多體勞有汗再感寒氣珪

等欲復日入問候又以適得間日詔諭遽復日入恐人心驚憂故且間入三省言已亥以上未視事應合行事並權作理旨行訖以聞稍重者進畫今理體向安前詔欲更不施行從之詔聞京城內外官吏軍民僧道各建祈福道場今已安和可令所司慰諭勿重勞費其已設道場聽滿日罷環慶路經畧司言招誘西夏章州蕃官伯德率丁口二百五十歸附詔授伯德供備庫副使本族巡檢賜銀絹三百

欽定四庫全書

續資治通鑑長編
卷三百五十一

四

辛酉執政官入至福寧殿王珪言制勘熙河蘭會路經略司使李憲等案熙河入界賞功狀欲候御殿取旨從之又言元豐五年十一月詔臣僚上殿劄子並送中書省取旨欲有司勘當小事權進入候畫旨施行其難行事中書省收訖奏候御殿依舊從之

壬戌河東路轉運司言經畧司去年三出兵耕種木瓜原等兩不耕地凡用將兵萬八千五百四十五馬二千三十六其費錢七千三百六十五緡穀八千八十一石

糗糒四萬七千斤草萬四千三百束又番上保甲守禦凡二千六百三十七人其費錢千三百緡米三千二百石役耕民千五百雇牛千具皆非民之願所收麻粟蕎麥萬八千石草十萬二千不償所費又預借本司錢以為子種至今未償增人馬防托之費仍在年計之外慮經畧司來年再欲耕種望早賜約束樞密院言河東經畧司去歲差借民牛耕種葭蘆諸寨田及發防護軍馬保甲靡耗極邊貴價糧草錢物仍奪農時令民失業比

欽定四庫全書

續資治通鑑長編
卷三百五十一

五

至收成不償所費詔劄與呂惠卿宜審較利害無蹈前

失七年三月二十一
日七月十日可考

癸亥執政官入至福寧殿王珪言閤門見謝辭權放內不許隨放之人令入門見其上殿臣僚非召赴闕者有奏陳事權令進入並至視事依舊從之

二月乙丑朔詔朝散大夫致仕孫奇知太醫局潘瑋席延賞教授邵化及赴御藥院祇候從執政請也

丁卯詔郃州芙蓉石驛浮城等峒已修寨鋪其歸明戶

及元省地百姓如省地法應婚姻出入典買田招佃客並聽從便從知邵州闕祀請也

庚午詔河南大名潁昌府鄆青揚鄧州守臣訪諸通賢術者乘驛赴闕

辛未戶部言福建路轉運副使王子京乞并隣近兩浙江南廣東復禁茶諸路仍通商未有朝旨詔在京及開封府界陝西路通商之外並為權茶地

七年十月十七日改此

欽定四庫全書

續資治通鑑長編卷三百五十一

六

壬申詔宣德郎河東相度坑冶孫宰乘驛赴闕以宰通醫術也

丁丑詔開封府界三路保甲所養官馬生駒不赴官等量私自市若藏買并引領牙保及所轄人各減盜及貿易官馬法一等許人告賞錢二十千

庚辰詔州縣社壇用石為主先是河東路轉運司申明社用石為主植木以表之禮部言祭社不屋而壇當受霜露風雨以達天地之氣則用石為主取其堅久今太

社已用石主長五尺方二尺剗其上方其下埋其半又按禮制天子社稷方五丈諸侯半之州縣社壇石主尺寸廣長謂宜半太社之制於是下太常寺修入祀儀而有是詔詔受納稅租斛加一升蒿草十束加一為耗舊例多者及常平租課並依例蒿草支盡有欠者耗內聽除二分

辛巳總領熙州蕃兵將皇城使呂吉領高州刺史同總領皇城使王瞻領嘉州刺史河州蕃兵將皇城使光州

欽定四庫全書

續資治通鑑長編卷三百五十一

七

團練使李忠傑領雄州防禦使又以一官回授其子岷州蕃兵將皇城使沂州團練使帶御器械權本路都監李祥升鈐轄著官皇城使階州防禦使包順授其子一官皇城使岷州刺史包誠領恩州團練使皇城使榮州刺史趙醇忠領光州團練使皇城使慶州刺史李楞占訥支領康州團練使皇城使丹州刺史溫玉領榮州團練使皇城使鄆州薩勒領榮州刺史左藏庫使日朶聚瑪伊克為皇城使餘以功遷者百二十四人以熙河蘭會路制

置使李憲言吉等渡河深入賊界轉戰大敗賊衆臨陣斬其將色辰低楚賞功也 是夜四鼓開寶寺寓禮部

貢院火承議郎韓王冀王宮大小教授兼睦親廣親宅講書翟曼奉議郎陳之方宣德郎太學博士馬希孟皆

焚死吏卒死者四十人

兩紀並書開寶寺貢院火

甲申上第五女卒母朱德妃也生始七歲追封惠國公

主

丙戌遣官分禱天地宗廟社稷百神 禮部言順祖及

欽定四庫全書

續資治通鑑長編卷三百五十一

八

惠明皇后遷主既藏於夾室罷忌日行香請做僖祖忌

日於景靈宮天興殿東設幄故事遇忌日於永昌院佛

殿之東張幄齋設追薦詔僖順翼祖并后六位遇忌日

並於永昌院設幄追薦

丁亥三省言禮部貢院火試卷三分不收一分欲令禮

部別鎖試從之

新紀書令禮部別鎖試舊紀不書

門下省言中書錄

黃前淮南節度推官呂公憲等狀各磨勘當改官乞下

吏部先引驗吏部已引驗四人奏已降出正月庚子當

引見及未引驗八人見磨勘十九人詔轉官人依例除官餘候會問無違礙依前次先引驗訖聽其皆引見後

舉主有事故並不礙引見候御殿日依舊 詔日者火

災可於集禧觀為民祈福道場一月罷日設大醮

辛卯詔諸朝會殿中侍御史闕牒監察御史又闕牒在

京職事官起居舍人闕牒著作祕書郎著作佐郎又闕

牒中書舍人其餘執事官闕牒班內官攝並報閣門諸

三省御史臺官寺監長貳開封府推判官六參職事官

欽定四庫全書

續資治通鑑長編卷三百五十一

九

赤縣丞以上寄祿陞朝官在京釐務者望參不釐務者

朔參

癸巳上疾甚遷御福寧殿東閣之西間三省樞密院入

問聖體見上於榻前王珪言去冬嘗奉聖旨皇子延安

郡王來春出閣願早建東宮凡三奏上三顧微肯首而

已又乞皇太后權同聽政候康復日依舊上亦顧視肯

首既退移班東閣皇子及皇太后皇后朱德妃皆在簾

下珪等奏請皇太后權同聽政皇太后辭避入內都知

張茂則言皇太后且為國家社稷事大不宜固辭珪等請至於再三皇太后泣許珪進言自去歲上令皇子侍燕羣臣皆嘗見之今必更長立乞再瞻親是月三省樞密院親王自朔日至今日由內東門入問候於福寧殿惟是日未後再入先是蔡確疑上復用呂公著及司馬光則必奪已相乃與邢恕謀為固位計恕故與皇太后姪光州團練使公繪寧州團練使公紀交

哲宗即位公繪公紀乃遷

國練使此時但為刺史當改之

上初寢疾起密問公繪具言疾可憂狀

欽定四庫全書

十一

恕聞此更起邪謀確嘗遣恕要公繪公紀二人辭不往明日又遣人招置東府確曰宜往見邢職方恕曰家有桃着白花可愈人主疾其說出道藏章留一觀入中庭紅桃花也驚曰白花安在恕執二人手曰右相令布腹心上疾未損延安郡王冲幼宜早定議雍曹皆賢王也公繪等懼曰君欲禍我家徑去已而恕反謂雍王顥有覬覦心皇太后將舍延安郡王而立之王珪實主其事與內殿承制致仕王穉共造誣謗穢開封人嘗從高遵

裕掌機宜於涇原傾巧士也故恕因之又知確與珪素不相能欲借此以陷珪他日亟問確曰上起居狀比何如確曰疾向安將擇日御殿恕微哂曰上疾再作失暗直視聞禁中已別有處分首相外為之主公為次相獨不知耶一日片紙下以某為嗣則公未知死所矣公自度有功德在朝廷乎天下士大夫素歸心乎確疎然曰然則計將安出恕曰延安郡王今春出閣上去冬固有成言羣臣莫不知公盍以問疾率同列俱入亟於上前

欽定四庫全書

十一

白發其端若東宮由公言而早建千秋萬歲後公安如太山矣確深然之恕又曰此事當略設備今與平時不同庶可以自表見其曲折第告子厚同列勿使知子厚章惇字也確媿謝謂恕曰和叔見子厚具言之惇固凶險即許諾遂與確定議仍約知開封府蔡京以其日領壯士待變於外廷謂曰大臣共議建儲若有異議者當以壯士入斬之是日三省樞密院俱入問疾初亦未敢及建儲事既退乃於樞密院南廳共議之確惇屢以語

珣珪幸其應對或有差誤即以珪為首誅珪口吃連稱
是字數聲徐曰上自有子復何議蓋珪實無他志但舊
縮不能先事納說所以致疑及是出語確悻顧無如珪
何尋復入奏得請俱出逢雍王顥及曹王顯於殿門外
悻更厲聲曰已得旨立延安郡王為皇太子矣奈何顥
曰天下幸甚已而禁中安堵如故輔臣等各罷歸翌日
遂立皇太子確悻京怨邪謀雖不得逞其蹤跡詭秘亦
莫辨詰各自謂有定策功事久語聞卒為朝廷大禍其

實本恕發之

弗詳今參取諸書稍增益之推原復求致禍如彼慘毒
敵人遂入中國者蓋由王珪佐誘而萌芥則不早建白邪
致蔡確章惇蔡京等得乘珪任誘而萌芥則不早建白邪
之其令蔡京領劄子入內庭確導當時亦必有他說始
珪故珪不以為疑聞開封府何與朝廷事此正坐珪
愚闇耳若珪能即拒絕既無疑已之迹則橫禍又何從
而來疑已之迹當時不過如此耳其後漫濫轉加增備
遂有宣訓事務紛爭事黃履張士京書至蔡惇宣和間
劄子用誕仙文字托名御製誠可為痛哭也非建炎初
聖主覺悟果斷明辨則朝廷之禍豈有極乎此事既存
真實仍悉取異說附見於後庶觀者曉然於其真實誤
委人心情取無所遁逃亦猶孟子必著許行楊墨等語
不用掃除絕滅之也哲宗新錄宣仁聖烈皇后傳云先
是元豐七年三月大熱中燕延安郡王侍立王珪率百

官賀及不殿神宗又諭王與珪等相見復分班再拜稱謝是冬諭輔臣曰明年建儲當以司馬光呂公著爲師保神宗彌留後數中人梁惟簡曰今汝婦嬰一黃袍十歲兒可衣者密懷以來蓋爲上倉猝踐阼之備神宗太母所以屬意於上者確然先定無纖介疑那恕傾危士也少避光公著間禁確得師保語求所以結二公者而深安光確曰右僕射繪選恕起居舍人一日確遣恕招右姪光確曰宜往見邢舍人恕曰家有挑著白花可愈置東府確曰宜往出藏幸留一觀入中庭紅挑著也驚曰人主疾其說出道藏幸留一觀入中庭紅挑著也驚曰白花安在恕執二人手曰右丞相今布腹心中上疾未損延安冲切宜早定議岐嘉皆賢王爲袁襄欲舍延安而禍吾家徑去已而恕反謂后與珪爲袁襄欲舍延安而立其子顥顥已及悖確得無變確使山陵韓維簾前具陳起等所以誣太后者使還言者暴其姦再貶知隨州尋竄新州劉摯拜右僕射恕坐黨與謫監永州酒稅新

錄載建儲事月
月事繫拜右僊

書之起除起居舍人在元豐八年七月二十四日方神宗寢疾時起但爲臧方輿外郎公綸公紀還國錄使在哲宗即位後此時但爲判吏目新錄猶似微摠今改之又不卽所稱桃羞白花出何等文字當考按桃羞白花事見高世則紹興六年十一月所供納史館冊內第十一事此史事所據也冊凡四十一事今不具注 趙子崧中外舊事云元豐末文恭公薨時樂朝名士挽詩皆以立子之功歸之當時無異論也自司馬溫公入朝怒乃用押闔之術欲合蔡公於溫公溫公不疑初亦稱其材羣僚大懼既而公議不爲出守宛卽會起亦憂去因渠左丞熈遇懷起見之林梁論蔡之功不宜遽外自以此遂據其事蔡自以誇詩欺皇太后命三省樞密院於時政紀目錄開著元豐八年三月事以示後世且曰官

欽定四庫全書

續資治通鑑長編

卷三百五十一

欽定四庫全書

續資治通鑑長編

卷三百五十一

五

家是神宗長子子維父業乃是本分昨神宗服藥時將
官家所寓佛經宣示宰執其時衆中只是首相王珪曾
奏乞立延安郡王為皇太子其餘人別無言語今安燕
其時亦在畫見子細確有何策立功勞若是確他日復
來欺罔上下豈不為朝廷之害恐官家制御此人不得
此社稷蓋為社稷也嗚呼堯舜之明不過如此確既死
其子愚衣齊衆立堯公長延唐突告變章雷州力主之
王文恭公之子仲修錄章所為挽詩二章刻石懸于相
府章慚不能答方元祐初太皇太后嘗勝高公倫之門不
得事元度密問其兄弟後事故又問其父子然卒引致
西府者使監故也宣和間結梁師成至請太上皇親述
確傅指斥太皇太后無所不至又推恩其兄弟弟莊皆
從官子堅卑皆郎官瑒那掠曾詠王晉明皆監司善善
及子孫未聞及子瑒蓋欲激去鄭燕公耳夫王禹玉之

王為太子茂則令於御榻前設案王珪將所書紙鋪在
案上奏欲立延安郡王為皇太子時神宗風暗不能語
但徐恒久之衆人皆拱立未敢復言時太妃亦在帳中
露半面國婆婆抱上坐頃之再奏國婆婆云聖意已允
張茂則云聖意已允王珪問張茂則太后在甚處太后
自云在此中茂則令臣張簾太后在簾下云相公等
立得這箇孩兒便好這孩兒真是孝自官家服藥只是
喫素寫經簾內出經兩卷一卷延壽經一卷消災經
一卷後題云延安郡王臣某奉為皇帝服藥日久寫某經
一卷願早康復自簾外諸宮環侍久之無他語遂宣制施行後
神宗上懷宣遺制立皇太子內外忻戴初無異聞已上
韓氏手錄不敢增損一字按子崧所書與卻
伯溫辨誣所載並同辨誣具注在三月甲午朔

欽定四庫全書

續資治通鑑長編卷三百五十二

宋李燾撰

神宗

元豐八年三月甲午朔執政詣內東門入問候皇太后垂簾皇太子立簾外皇太后諭珪等皇子精進好學已誦論語七卷略不好弄止是好學書自皇帝服樂手寫佛經三卷祈福因出所佩經示珪等書字極端謹珪等

欽定四庫全書

續資治通鑑長編
卷三百五十二

拜賀遂宣制立為皇太子改名煦仍令有司擇日備禮冊命又詔軍國事並皇太后權同處分候康復日依舊未刺執政再入問聖體進立皇太子例降敕皇太后諭珪等皇太子立大事已定天下事更在卿等用心珪等言朝廷法度紀綱素具臣等敢不悉心奉行自此執政日再入舊紀書甲午立延安郡王傭為皇太子改賜名萊詔軍國事皇太后權同處分新紀同也宗立為皇太子舊錄誦經始典各官已具辨明字甚多今姑存其目新錄傳誦第一卷凡六段又高遜裕傳又然遠傳又荆王顯傳又恭確傳又鄭潤甫傳又劉惟簡傳又蕭錄紹聖四年五月己又紹聖四年四月二

十四日未及十一月梁焘傳又元符元年二月張士良獻辭并卻伯溫專者辨誣所載證據訖建炎初並劾卻伯溫辨誣所不實紹興史官亦付事仍呂大防提舉修實錄奏請批付事臣焘嘗見之大防謬成都府路提舉刑獄司幹辦公事世修紹興二十九年九月世修子寬仁者實從成都府路轉運司撤進入國史院訖今具錄然後付呂大防御寶封

元豐八年二月三日門下省時政記二月二十九日癸巳寒節假三省樞密院詔內東門進榜子入問聖體面奏去冬曾奉聖旨皇子延安郡王求春出閣今來聖體遽豫欲望早建東宮凡三奏上三顧微背肯而已時疾勢彌留矣又奏泰上日權問聽政候康復日依舊上亦顧視背肯既遜即移班東間無薦見皇太后具所奏如前上曰辭退近侍奏云且以社稷爲念不宜固辭至於再三泣許遂三月一日甲午寒節假三省樞密院指內東門進榜子入問聖體

欽定四庫全書

卷三百五十二

皇太后垂簾宰旦下起居皇太后立於簾外與王等相見皇太后宣諭廷等皇太后極是稱贊好學王等七卷論語畧不好弄止是學書自皇帝服樂手寫佛經三卷祈福因出所屬經三卷示廷等書字極端端莊等再拜且謝且賀退文武百僚赴文德殿跪宣立欽天監制未刻再入問聖體次進皇太后例合降敕次進皇太后再入之乃論廷等皇太后建立今求大事已定天下事更在卿等用心廷等奏朝廷法度紀綱素具臣等敢不悉心奉行乞元豐八年春冬月奉勅撰修撰神宗皇帝實錄取錄到元豐八年春冬月奉勅撰修撰神宗皇帝實錄其年二月二十九日三省樞密院同奉聖旨皇帝自皇太后延安郎王立為皇太子次日文德殿宣制及同日皇太后宣諭下等事謹錄如前深慮更有未盡劄子伏望檢會降下以憑修撰取錄止五月日臣大防劄子奉御批覽所奏當日事皆得其實惟初得神宗百奏皇太后權同聽政一事所記未盡亦恐當日事干禁中隱

欽定四庫全書

續資治通鑑長編

三

布手記神宗遼東岐嘉二王日詣寢殿問候起居及疾勢稍增太皇太后即時面諭並令還宮非論宣召不得輒入自太子未建至無復忌憚四十二字並刪去皇后憂起出時佛祠設齋揭榜曰延安郡王所請冀天下知王長立能致恭孝臣等辨曰神宗廢皇后出財設齋意在祈禱而己豈得便懷希寵預為闕防此實厚恩欽聖自皇后憂恐至能致恭孝三十字並刪去二月神宗疾甚辛卯輔臣入問至紫宸殿顯乃邀於廊下軍國事當諸皇太后垂簾又奏己止宿侍疾皇后力爭得不宿既而留禁中曹王顯慶亦所請出后力爭者皇后親王無相見之禮若謂與宣仁力爭則竊聞宣仁聖性嚴毅人不敢犯欽聖孝恭備盡婦道豈有知祖宗之法及國朝典禮自二月至引出六十亦且不知去祖宗法確懼乃以建儲意問左僕射王珪珪不答確益懼不知

欽定四庫全書

續資治通鑑長編

四

所出事愈急會確母得入禁中皇后使諭確使外託主兵官燕達等輔立又因內侍閻守勳諭確協力早定或謂確曰此大事也請與眾商廷不言則正厥罪是時輔臣韓維安燾章瑒李清臣陰持兩端確不語確獨對門下侍郎章惇共力奏己輔臣聚南廳確顧謂珪亦不語確曰去春廷安郡王侍宴嘗有南來春出閣議已定不言何也惇曰言之是則從不則與公偕死珪始曰上有子何何議之言是日乃囑語榻前奏曰去冬得旨皇宗子延安郡王今春出閣乞立為皇太子以俟天下皇宗方顯視肯首既退不待奏請殿東間已垂簾於是輔臣黨前具奏被召如前皇太后泣許是日顯慶幕欲入有確母獨得入禁中者據會布手記元符末欽聖有旨惇等謀哲宗處多布言只如言宣仁及大臣有傾搖廢立意以此激起哲宗恐無以取信遂云神宗非宣仁所生欽聖云宣仁是慈聖養女嫁與英宗當時是甚事勢又宣仁實妬忌方十六歲宜容有他人所生之子廢立事亦寬他契勘京卡等既修成史錄即將時政記盡皆焚毀肆其誣謗何所稽考若當時委有前件事因欽聖於此豈不說及亦豈可掩又據實錄及會要等書元豐七年三月丁巳大燕集殿中擬宴錢安郡王侍立軍臣王珪率百官賀神宗宣答曰皇家慶事與卿等同深欣悅及升殿神宗又諭王與珪等相見復分班再拜稱謝親坐久之乃退是冬神宗諭輔臣曰皇子明年出閣當以呂公著為師保八年三月甲午輔臣王珪等入問神宗聖體皇子立簾外宣仁諭王珪等曰皇子精俊好學已誦論語七卷略不好弄止是學書自神宗服藥手寫佛經三卷祈福因以經示珪等字極端謹珪等拜賀是日降制立皇太子曾布手記亦言建儲之際大臣奉詔恭惟神宗與子宣仁立孫本無間隙事已素定而姦

欽定四庫全書

欽定四庫全書

五

邪誣固盡以為蔡確章惇定策之功自右僕射至挽止
之二百八十三字並刪去太子立皇后謝皇太后薦中
太后抵后留曰事遂矣其後欽聖指胃示上曰痛猶
在也上泣謝臣等辨曰指胃之事雖士庶之家婦姑也
際有所不為而謂宣仁為之指胃以示上曰痛猶在也
欽聖果出此言乎宣仁泣謝尤為虛誕不知何所依據
而為此說况欽聖宣諭宰執以謂宣仁則其事可見
此一段宣仁欽聖皆被誣謗姦臣為利何有於君
父無所忌憚之一至於太子立至上泣謝三十七字
並刪去如聖之至於太子立至上泣謝三十七字
天性至孝當神宗初晏駕哀痛之心必見於形容如望
之肅然履帝位若固有之似誣聖德今刪去高道裕
傳元豐末神宗寢疾儲嗣未立宰臣王珪初懷猶豫當
密召道裕之字士允問道裕所欲立道裕聞之泣且
慙成其子勿復往既久語問臣等辨曰臣等欲立於道裕此豈
立儲定於侍燕之日而乃王珪問所欲立於道裕此豈

欽定四庫全書

欽定四庫全書

六

居之仍賜國子監諸子自勝衣以上趨拜應對甚謹
上皆命連官自太皇太后聽政願非大朝會未嘗進見
間遣使宣召顯曰未復辟不敢往潛泊越畏喜華札乘
白蒙輜官宿衛官祿去輒數留方數以藥致病者其
老舊尤好書手著普惠集閑集効方數以藥致病者其
仁厚天稟暴得疾左右亦不果開太皇太后及問至薨
口鼻皆流血又或止之亦不果開太皇太后及問至薨
立顯能不負神考舊不顧身為宗社計雖古之所謂臨
大節而不可奪者何如以加諸臣等辨曰此正蔡確等傳
會一節而不可奪者何如以加諸臣等辨曰此正蔡確等傳
上即位事辦之詳矣此一節合刪去蔡確傳元豐六
年秋確與中書侍郎張璪奏事崇政殿上悲不自勝謂
確曰陛下事止此矣確駭曰敢問所因上曰子幼奈何
確曰陛下春秋鼎盛忽有不幸之言不審所謂上曰天
下事當得長君維持否確曰延安郡王陛下長子臣不
知其他臣有死罪已不敢奉詔上曰卿果能為社稷計
宜早定確與璪俱迎曰臣等敢以死守上曰善確被顧
託乃謀欲請王出閣建儲議不協又意上特思無聊
耳猶豫不決七年春廷安郡王出侍宴集英殿確始奏
請猶欲來春出閣上可之役因有對者言及確上曰羣
臣皆先皇帝遺服者如確自小官朕親擢至此必不負
朕然氣獨得入輔之乃可確聞益自奮久之八年正月
神宗疾彌留王珪未立中外洶洶確始懼乃以建儲事
問左僕射王珪珪不答確亦懼不知所出急會確
母得入禁中欽聖慮羈皇后論確使外托王兵官然遠
也請與眾詢珪不言則正服確是時輔臣韓維安燾張
璪李清臣持兩端喋喋不語確獨約門下侍郎章惇共力
奏曰輔臣聚南廳確謂珪珪亦不語確曰去春延安郡
王則從不則與公偕死珪始曰上有子何議之有是日
是則從不則與公偕死珪始曰上有子何議之有是日
日哺議定詣榻前奏曰去冬得旨皇子延安郡王今春

傳究問及甫蓋以劉聲為司馬昭以耿躬為主上其徒
謂王巖與梁熾劉安世孫升韓昭等輩京傳進呈上曰
元祐人果如此京等曰誠有是心然反形未具等已
責退方上曰若陳衍朕親見之不可貸故有是命臣等
辨曰文及甫書乃六十四卷抄見事不當再錄於此
事是宣仁聖訓事跡冊中具載傳中欲廣宣仁以道餘
抵其良不於此遂追張士良於雷州將脅成其獄以逞
憤士良不可屈而罷今云上親見陳衍之罪蓋袒也則
去前件一百四十四字 按初昆事新錄在一百三十
五卷補錄於六十四卷署載其詳在此卷第七十 補
錄卷第五十九新錄卷第一百三十二紹聖四年四月
丁未三省言元豐八年二月二十九日御史中丞黃履
奏訪聞兩府大臣嘗議奏請皇子就傅建儲事王珪轉
語李清臣云是他家事外廷不當管也蔡確章惇聞之
對衆窮其所立珪又聞王珪陰交高道禧嘗招其子士
於東其議遂定臣又聞王珪陰交高道禧嘗招其子士

欽定四庫全書

卷三百五十二

九

充傳達語言臣伏思陛下推大公至誠之心以視位處
珪以鼎鍊養珪凡十有六年今聖躬偶感微疹而珪已
懷二心此而可容何以示懲勸於天下黃賜子近有高
士英者輒至臣家稱上服藥中若皇太后或皇后權同
聽覽則傳命者審臣正色答之以為豈可私議臣忝竊
位中執法士英尚敢率爾如此發言今珪無故輒招士
充又對清臣休戚一如此言竊慮必有奸謀至三月朔履又
言大臣體國休戚一如此言竊慮必有奸謀至三月朔履又
所名及稱不當管他此而可容何以懲勸臣於左僕射
王珪議諸之際聞其然不敢不論今已累日未見施
行之臣伏思之使臣之言果合義則珪不可以無責處分
之言無補於事則臣之言果合義則珪不可以無責處分
建立儲位以安天下臣雖萬死猶生之年伏望朝廷早
賜指揮 又紹聖二年十一月內右正言劉拯奏先帝
疾瘳臣王珪持二心臣擅嘗具彈奏蔡確等定策受餉
命輔翼陛下已而權臣擅政確等繼被逆又忍他日復

用為已禍也於是因事誣毀摘之廢死之地而復移定
策之功於王珪珪之薨也賜定贈官錫子敦基特厚而
確死投竄之地雖蒙昭雪贈復官爵恩例比珪甚薄且
父子繼世雖有定制神器輕重亦繁一時功罪不明孰
大於此今為忠者被禍為姦者受賞以教天下示後
世伏望究其為惡者被禍為姦者受賞以教天下示後
副使西京第七副將高士充遣狀稱先臣遵裕當先帝
服藥危疑之際有故宰相王珪召臣親弟承議郎士充
密議取決於先臣欲知先帝太后意所欲用故來相問
尋時先臣泣下大起曰無故弟士充知敢更往即杖汝死尋將
何決於我遂叱罵故弟士充知敢更往即杖汝死尋將
此意指說與先帝機宜官王穠自可照照竊念先臣昨
因攻取靈州師老糧匱大河不凍故不能上奉聖訓責
又不獲伸訴於陛下欲乞優加褒贈 又給事中葉祖

欽定四庫全書

卷三百五十二

十

洛言先皇帝所以待王珪可謂厚矣自翰林學士承旨
擢為參知政事自參知政事擢為右相自右相擢為左
相在政府凡十六年又擢其事擢為右相自右相擢為左
兄弟子孫皇親凡受朝廷恩命者為館職自珪之身及其
帝之於珪可謂無負矣當先帝遺詔至於大漸儲位未
正中外皇皇延頸以望珪為上相眾目所視所宜率先
建議首定大計以慰宗廟珪乃持疑顧望含糊不決至
同列不切責之則珪將遂無言豈不誤事天下至今罪
之臣於是時適在朝廷親聞士大夫之論藉藉罪珪已
禮遇厚仍賜甲第一區莫不快之然其時朝廷所以賜
待殊勲異德為第一區莫不快之然其時朝廷所以賜
罪以戒天下不忠不孝之臣使知治世典刑無前後之
私也祖洽又言臣嘗論王珪背逆不忠之罪未見施行
不知所為若以珪之事為無實迹耶則當時二三執政